

ԵՃՄԱՐՏՈՒԹՅՈՒՆԸ
ՀԱՐԻ ՔՎԵԲԵՐՏԻ
ԳՈՐԾԻ ՄԱՍԻՆ

JOËL DICKER

LA VÉRITÉ
SUR L'AFFAIRE
HARRY QUEBERT

— ROMAN —

ՀՏԴ 821.133.1(494)-31 Դիկեր
ԳՄԴ 84(4Շվեց)-44
Դ 481

Դիկեր ժոել
Ճշմարտությունը Հարի Քվեբերտի գործի մասին: Վեպ / Ժ.
Դ 481 Դիկեր; Թարգմանությունը ֆրանսերենից՝ Ս. Գասպարյանի.- Եր.:
Newmag, 2023.- 680 էջ:

15-ամյա Նոլա Կելերգանը 1975-ի օգոստոսի 30-ին մտնում է անտառ ու անհետանում: Այդ օրը Նյու Հեմֆշիր նահանգի Ավրորա քաղաքը զրկվում է հանգստից: 33 տարի անց երիտասարդ գրող Մարկուս Գոլդմանն այցելում է Ավրորա, որպեսզի գրական ոգեշնչում ձեռք բերի ու հետ չընկնի իր հրատարակչի սահմանաձև վերջնաժամկետից: Նաև ցանկանում է հանդիպել Ամերիկայի ամենահեղինակավոր գրողներից մեկին՝ իր ուսուցիչ Հարի Քվեբերտին: Սակայն սենսացիոն իրադարձությունը տապալում է Մարկուսի ծրագրերը: Հարիին ներկայացվում է Նոլա Կելերգանին սպանելու մեղադրանք, քանի որ նրանց միջև սիրավեպ է եղել: Մեղիան մեղադրում է Հարիին, և Մարկուսը սկսում է իր քննությունը: Հարիի գրական կարիերան ու նույնիսկ կյանքը փրկելու համար Մարկուսը պետք է պատասխանի երեք հարցի՝ ո՞վ է սպանել Նոլա Կելերգանին, 1975-ին ի՞նչ է կատարվել Ավրորայում, և ի՞նչ է պետք իսկական վեպ գրելու համար:

ՀՏԴ 821.133.1(494)-31 Դիկեր
ԳՄԴ 84(4Շվեց)-44

Գլխավոր գործընկեր՝
ԶԱՆԳԱԿ ԳՐԱՏՈՒՆ
zangakbookstore.am


ԶԱՆԳԱԿ
ԳՐԱՏՈՒՆ

ISBN 978-9939-967-03-5
Ժոել Դիկեր «Ճշմարտությունը Հարի Քվեբերտի գործի մասին»
© 2023, «Նյու Մեգ» ՍՊԸ
La Vérité sur l'affaire Harry Quebert © JOËL DICKER, 2020

Այս գրքի հայերեն թարգմանության և հրատարակության իրավունքները պատկանում են «Նյու Մեգ» ՍՊԸ-ին: Իրավունքները ձեռք են բերվել MOOSE ընկերության հետ կնքած պայմանագրով:

Բովանդակություն

	Անհետանալու օրը	9
Նախաբան	Հոկտեմբեր, 2008	11
Մաս առաջին	Գրողական հիվանդություն	15
	31. Հիշողության խորխորատներում	16
	30. Մարկուս Հրաշալին	40
	29. Հնարավոր է սիրահարվել 15 տարեկան աղջկա	63
	28. Որքան կարևոր է ընկնել կարողանալը	85
	27. Այնտեղ, որտեղ դրախտավարդեր էին աճեցնում	107
	26. Ն - Ո - Լ - Ա	135
	25. Նոլայի մասին	147
	24. Ազգային տոնի հիշողություններ	170
	23. Այն մարդիկ, որոնք նրան լավ էին ճանաչում	184
	22. Ոստիկանության հետաքննությունը	209
	21. Սիրո բանաձևը	226
	20. Բացօթյա ճաշկերույթի օրը	244
	19. Հարի Քվեբերտի գործը	261
	18. Մարթաս Վինյարդ	287
	17. Փախուստի փորձ	306
	16. «Չարիքի ակունքները»	332
	15. Փոթորկից առաջ	354

Մաս երկրորդ	Գրողների ապաքինումը	375
	14. Այդ հիշարժան օրը՝ օգոստոսի 30, 1975	376
	13. Փոթորիկ	392
	12. Գեղանկարիչը	419
	11. Նոլային սպասելիս	437
	10. 15 տարեկան աղջկան որոնելիս	451
	9. Սև Monte Carlo-ն	466
	8. Անստորագիր նամակների հեղինակը	492
	7. Նոլայից հետո	520
	6. Բարնասկու սկզբունքները	533
Մաս երրորդ	Գրողների դրախտը	553
	5. Աղջնակը, որը ցնցեց Ամերիկան	554
	4. Sweet home Alabama	581
	3. Election Day	596
	2. Խաղն ավարտվում է	616
	1. Ճշմարտությունը Հարի Քվեբերտի գործի մասին	630
Վերջարան	Հոկտեմբեր, 2009	673
	Երախտագիտության խոսք	677

Նվիրում եմ ծնողներին

Անհետանալու օրը

Շաբաթ, օգոստոսի 30, 1975

— Կենտրոնական ոստիկանությունը լսում է: Ի՞նչ խնդիր ունեք:

— Ալո: Իմ անունը Դեբորա Կուպեր է, բնակվում եմ Սայդ Քրիկ Լեյնում: Ինձ թվում է՝ հենց նոր անտառում մի աղջկա տեսա. նրան մի տղամարդ էր հետապնդում:

— Կարո՞ղ եք ասել, թե իրականում ինչ է տեղի ունեցել:

— Չգիտեմ: Կանգնել էի պատուհանի դիմաց, նայում էի անտառին ու այնտեղ էլ տեսա այդ աղջկան. փախչում էր ծառերի արանքով... Հետևից վազում էր տղամարդը... Ինձ թվաց, թե աղջիկն ուզում էր ազատվել նրանից:


— Այս պահին որտե՞ղ են նրանք:

— Ես... ես նրանց արդեն չեմ տեսնում: Անտառում են:

— Տիկի՛ն, հենց հիմա Ձեր հասցեով պարեկախումք եմ ուղարկում:

Այդ զանգով էլ սկիզբ առան մի շարք իրադարձություններ, որոնք ավելորդեցին Նյու Հեմփշիր նահանգի Ավրորա քաղաքը: Այդ օրը տեղաբնակ մի աղջիկ՝ 15-ամյա Նոլա Կելերգանը, անհետացավ: Եվ նրա հետքն այլևս չգտան:

Նախաբան



Հոկտեմբեր, 2008

(Անհետանալուց 33 տարի անց)


Բոլորը խոսում էին գրքիս մասին: Այլևս չէի կարողանում հանգիստ գրոսնել Մանհեթենով, չէի կարողանում առավոտյան դուրս գալ մարզավազքի. մարդիկ իսկույն ծանաչում էին ինձ ու բացականչում. «Տեսե՛ք, տեսե՛ք, Գոլդմանն է: Էն գրողն է»: Պատահում էր՝ մի քանիսը նույնիսկ հետո հավասար սկսում էին վազել ու դիմում էին իրենց հուզող հարցերով. «Ուրեմն ճի՞շտ է այն ամենը, ինչ նկարագրում եք Ձեր գրքում: Հարի Քվեբերտն իսկապե՞ս նման բան է արել»: «Ուեսթ Վիլիջ» սրճարանում, որտեղ հաճախ էի լինում, որոշ հաճախորդներ առանց քաշվելու գալիս-նստում էին իմ սեղանին, որպեսզի ինձ հետ մի երկու բառ փոխանակեն: «Պարոն Գոլդման, սկսել եմ կարդալ Ձեր գիրքն ու չեմ կարողանում կտրվել: Ձեր առաջին գիրքը շատ լավն էր, բայց սա լրիվ ուրիշ է: Ճի՞շտ է, որ այս գիրքը գրելու համար 1 միլիոն դոլար եք ստացել: Քանի՞ տարեկան եք: Երևի մի 30 կլինեք: Ի՞նչ եք ասում՝ երեսո՞ւն էլ չկաք: Ու արդեն այդքան փողի տե՛ր եք դարձել»: Մեր շենքի դռնապանն օրը 2 անգամ դուռը բացում էր իմ առաջ, և ես դռան արանքից հասցնում էի տեսնել, թե նա ինչքան է կարդացել իմ գրքից: Մի օր էլ, երբ գիրքը մինչև վերջ կարդացել էր, երկար ժամանակ չէր թողնում՝ վերելակ նստեմ, որպեսզի իր ապրումները կիսի ինձ հետ. «Ա՛յ մարդ, էդ ի՞նչ են արել Նոլա Կելերգանի հետ: Ի՞նչ ահավոր է: Մի՞թե մարդ կարող է այդ աստիճանի ստոր լինել, հը՞: Պարոն Գոլդման, հնարավո՞ր է»:

Ամբողջ Նյու Յորքն աշխույժ քննարկում էր իմ գիրքը, որը լույս էր տեսել ընդամենը 2 շաբաթ առաջ, և արդեն բոլոր նշանները կային, որ դառնալու

Էր ամերիկյան մայրցամաքի՝ տարվա ամենաշատ վաճառված գիրքը: Բոլորը ցանկանում էին իմանալ, թե ինչ էր տեղի ունեցել Ավրորայում 1975 թվականին: Այդ մասին խոսում էին ամենուրեք՝ հեռուստատեսությամբ, ռադիոյով, լրագրերի էջերում: 30-ս դեռ չէր լրացել, բայց շնորհիվ այդ գրքի, որն ընդամենը իմ երկրորդ գիրքն էր, Ամերիկայի ամենափնտրված հեղինակն էի դարձել:

Մեծ աղմուկ հանած այդ դեպքը, որն ալեկոծել էր ամբողջ երկիրը և իմ վեպի առանցքն էր կազմում, տեղի էր ունեցել մի քանի ամիս առաջ, ամռան սկզբին, երբ պատահաբար հայտնաբերվել էր արդեն 33 տարի անհետ կորած մի երիտասարդ աղջկա դի: Եվ ահա դրանից հետո Նյու Հեմփշիրում ծավալվեցին այն իրադարձությունները, որոնց մասին ստորև պատմելու եմ ընթերցողին. առանց այդ դեպքերի՝ Ավրորա անունով փոքրիկ քաղաքի գոյության մասին, ամենայն հավանականությամբ, ոչ մի ամերիկացի տեղյակ չէր լինի:

Մաս առաջին



Գրողական հիվանդություն

(Գրքի լույսընծայումից 8 ամիս առաջ)

Գիրքն ամբողջությամբ՝

ԱՅՍԵՆ